

(<https://news.usm.my>)

Berita Mutakhir

26
NOV

AMBIL TAHU SEJARAH MALAYSIA - TENGKU RAZALEIGH



USM, PULAU PINANG, 26 November 2016 - Anak muda pada masa kini perlu ambil tahu dan kaji sejarah Malaysia dan juga tokoh-tokoh sejarah tanah air termasuk Bapa Kemerdekaan, Tunku Abdul Rahman Putra Al-Haj berbanding mengetahui mengenai tokoh dan sejarah negara luar.

Demikian kata Penguaptama Syarahan Perpaduan yang bertajuk "Visi Tunku Abdul Rahman Putra Al-Haj untuk keamanan dan kemakmuran Malaysia", Tan Sri Tengku Razaleigh Hamzah yang juga Ahli Parlimen Gua Musang, Kelantan di sini hari ini.



"Pelbagai usaha perlu dilakukan bagi menarik minat para pelajar dan juga anak muda untuk mengenali tokoh negara dan juga secara terperinci sejarah Malaysia," tambah Tengku Razaleigh kepada lebih 200 orang pelajar dan orang awam yang menyertai syarahan ini.

Menurut Timbalan Naib Canselor (Akademik dan Antarabangsa), Universiti Sains Malaysia (USM) Profesor Dato' Dr. Ahmad Shukri Mustapa Kamal pula, visi terpenting negara setelah merdeka ialah mengeluarkan para ilmuwan dan pakar dalam bidang Sains dan Teknologi kerana ilmu pengetahuan adalah penting dalam pembangunan negara serta bagi menjana kemakmuran pada masa akan datang.



"Saya percaya wacana ilmu seperti ini perlu diperbanyakkan dan mesej perpaduan yang disebut oleh Bapa Kemerdekaan perlu diperjelaskan supaya lebih difahami," tambah Ahmad Shukri.

Hadir dan memberikan ucapan adalah Pengerusi Majlis Perundingan Muhibbah Negeri Pulau Pinang (MPMNPP), Tan Sri Dato' Seri Haji Mohd Yusof Latiff yang menyatakan hasrat dan tujuan majlis ini diadakan bersempena ulang tahun kelahiran Bapa Kemerdekaan yang ke-103 serta menyelami sejarah Malaysia.



Syarahan Perpaduan tersebut adalah anjuran MPMNPP dengan kerjasama USM, Think City dan Arkib Negara Malaysia.



Turut diadakan adalah Forum Perpaduan membariskan panel termasuk Ketua Eksekutif Institute for Democracy and Economics Affairs (IDEAS) Wan Saifulruddin Wan Jan, Pengerusi BERNAMA Dato' Seri Azman Ujang dan Kolumnis tetap akhbar The Sun R. Nadeswaran.

Teks: Nor Rafizah Md. Zain / Foto: Ebrahim Abdul Manan



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>).

Laman Web Rasmi / Official Website : [Universiti Sains Malaysia](http://www.usm.my) (<http://www.usm.my>).

[Client Feedback / Comments](http://web.usm.my/smbp/maklumbalas.asp) (<http://web.usm.my/smbp/maklumbalas.asp>) | USM News Portal. Hakcipta Terpelihara USM 2015